



Sarajevo, 15-07-2026

Broj: 03-57-2-27522-1/2026

Na osnovu člana 70. i 88. Zakona o javnim nabavkama ("Službeni glasnik BiH", broj: 39/14, 59/22 i 50/24), člana 99. Statuta Javnog preduzeća Elektroprivreda Bosne i Hercegovine d.d. – Sarajevo - Prečišćeni tekst broj: NO-2190/21-41./2. od 25.01.2021. godine i Statuta o dopuni Statuta Javnog preduzeća Elektroprivreda BiH d.d. – Sarajevo, broj: SD-20745/21-70./6. od 30.07.2021. godine, člana 28. i 75. Pravilnika o nabavkama Javnog preduzeća Elektroprivreda Bosne i Hercegovine d.d.-Sarajevo, broj: NO-35498/22-98./3. od 27.12. 2022. godine, broj: NO-18946/23-104./5. od 05.06.2023. godine i broj: NO-41163/24-52./3. od 21.11.2024. godine, člana 5. stav (6) Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva - Prečišćeni tekst, broj: 06-8661-1/2023 od 10.03.2023. godine, Odluke o izmjeni i dopuni Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva, broj: U-01-40623-1/23-18/34 od 14.11.2023. godine, Odluke o izmjeni Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva, broj: U-01-2332-1/25-137/26 od 28.01.2025. godine i Odluke o dopuni Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva, broj: U-01-12945-1/26-243/21 od 28.04.2026. godine, Direktor Podružnice „Elektrodistribucija“ Sarajevo, na preporuku Komisije za nabavku, donosi:

## **ODLUKU**

### **o izboru najpovoljnijeg ponuđača**

#### **Član 1.**

U postupku konkurentskog zahtjeva za dostavu ponuda, broj: KZ-03/26 – „Izrada Elaborata za polaganje SN i NN kablova u zonama željezničke pruge i cesta sa pribavljanjem saglasnosti ŽFBiH i upravitelja cesta“, kao najpovoljniji ponuđač izabrana je:

**Grupa ponuđača: "Hydro Control" d.o.o. Sarajevo - "HYDRA" d.o.o. Sarajevo**

#### **Član 2.**

Zadužuje se Služba za komercijalne poslove Podružnice "Elektrodistribucija" Sarajevo da u roku od 3 (tri) dana, a najkasnije u roku od 7 (sedam) dana od dana donošenja ove Odluke, istu dostavi ponuđačima koji su blagovremeno dostavili ponude i time ih obavijesti o rezultatima postupka navedenim u Odluci.

### **Obrazloženje:**

Postupak konkurentskog zahtjeva za dostavu ponuda, broj: KZ-03/26 – „Izrada Elaborata za polaganje SN i NN kablova u zonama željezničke pruge i cesta sa pribavljanjem saglasnosti ŽFBiH i upravitelja cesta“, pokrenut je Odlukom o pokretanju postupka javne nabavke i imenovanju Komisije za nabavke broj: 03-57-2-10555-1/2026 od dana 26.03.2026. godine. Ugovorni organ JP Elektroprivreda BiH d.d. – Sarajevo, Podružnica "Elektrodistribucija" Sarajevo objavio je dana 27.03.2026. godine na Portalu javnih nabavki Bosne i Hercegovine, Obavještenje o nabavci broj: 1437-7-2-20-3-54/26.

Rok za dostavu ponuda bio je 17.04.2026. godine do 09:30 sati, a otvaranje ponuda je izvršeno istog dana u 10:30 sati.

Ponude su blagovremeno dostavili ponuđači:

| Naziv ponuđača                                                               | Cijena bez PDV-a | Popust |
|------------------------------------------------------------------------------|------------------|--------|
| 1. INSTITUT ZA GRAĐEVINARSTVO "IG" d.o.o. Banja Luka                         | 7.000,00 KM      | NE     |
| 2. Grupa ponuđača: "Hydro Control" d.o.o. Sarajevo - "HYDRA" d.o.o. Sarajevo | 9.000,00 KM      | NE     |

Ukupna procijenjena vrijednost nabavke iznosi 10.000,00 bez PDV-a, po kriteriju za dodjelu ugovora "najniža cijena".

Komisija za nabavku, imenovana gore navedenom Odlukom Direktora Podružnice "Elektro distribucija" Sarajevo, izvršila je otvaranje, pregled i ocjenu dostavljenih ponuda, te utvrdila da ponuda Grupe ponuđača "Hydro Control" d.o.o. Sarajevo - "HYDRA" d.o.o. Sarajevo zadovoljava uslove određene predmetnim tenderom, stoga je ocijenjena prihvatljivom, u smislu člana 2. stav (1) tačka 1) alineja 1. Zakona o javnim nabavkama.

Na osnovu člana 45. stav (5) tačka c) Zakona o javnim nabavkama Bosne i Hercegovine („Službeni glasnik BiH", br. 39/14 i 59/22), Ugovorni organ donosi sljedeću odluku o isključenju ponuđača INSTITUT ZA GRAĐEVINARSTVO "IG" d.o.o. Banja Luka iz učešća u predmetnom postupku javne nabavke na period od 12 (dvanaest) mjeseci od dana donošenja ove Odluke, iz razloga kako slijedi:

Dana 03.06.2025. godine, između Ugovornog organa i ponuđača INSTITUT ZA GRAĐEVINARSTVO "IG" d.o.o. Banja Luka (u daljem tekstu: Izvršilac) zaključen je Ugovor broj 29-EDSA-25-1, čiji je predmet projektovanje elektrodistributivnih mreža i postrojenja sa pribavljanjem saglasnosti nadležnih organa na području općina Stari Grad, Centar, Ilidža, Hadžići i Ilijaš – LOT 1. U toku realizacije navedenog ugovora utvrđeni su značajni nedostaci u izvršavanju ugovornih obaveza od strane Izvršioca usluge, zbog čega je Ugovorni organ poduzeo odgovarajuće mjere, kako bi došlo do izvršenja ugovornih obaveza. Dopisom: broj 03-52-1-46860-1/2025 od 18.11.2025. godine Ugovorni organ je upozorio Izvršioca usluge na neuredno izvršavanje ugovornih obaveza, te mu ostavio dodatni rok za njihovo uredno izvršenje. Dopisom broj: 01-03-11368-1/26 od 14.04.2026. godine Ugovorni organ je Izvršiocu uputio opomenu pred raskid ugovora, uz ostavljanje dodatnog roka od 15 (petnaest) dana za realizaciju ugovornih obaveza. Unatoč zahtjevima za izvršenje ugovornih obaveza, opomenama pred raskid predmetnog Ugovora, te višestrukom produžavanju rokova za izvršenje ugovornih obaveza, Izvršilac usluge iste nije izvršio, niti se očitovao po upućenim dopisima Ugovornog organa.

Dana 15.06.2026. godine Ugovorni organ je, zbog neurednog izvršavanja ugovornih obaveza, od strane „MF Banka" a.d. Banja Luka naplatio iznos po protestovanoj bankovnoj garanciji za dobro izvršenje ugovora u iznosu od 2.250,00 KM, što predstavlja finansijsku sankciju u smislu člana 45. stava (5) tačke c) Zakona o javnim nabavkama. Dana 07.07.2026. godine, Dopisom: broj 01-03-21045-1/26, Ugovorni organ je obavijestio Izvršioca usluge o prijevremenom raskidu Ugovora broj 29-EDSA-25-1, u skladu sa članom 12. predmetnog Ugovora.



Naime, članom 45. stavom (5) tačkom c) Zakona o javnim nabavkama propisano je da ugovorni organ može isključiti kandidata/ponuđača iz učešća u postupku javne nabavke na period do 12 (dvanaest) mjeseci ukoliko se utvrde značajni nedostaci tokom provedbe prethodnog javnog ugovora, čija je posljedica bila prijevremeni raskid tog ugovora, naknada štete ili druga slična sankcija. U konkretnom slučaju kumulativno su ispunjeni svi zakonski uvjeti za primjenu navedene odredbe. Izvršilac usluge nije uredno ispunjavao ugovorne obaveze preuzete Ugovorom broj: 29-EDSA-25-1, što je Ugovorni organ dokumentovao upozorenjem od 18.11.2025. godine i opomenom pred raskid od 14.04.2026. godine. Izvršiocu usluge su u više navrata ostavljani dodatni rokovi za uredno izvršenje ugovornih obaveza, koje isti nije iskoristio, niti se po istima očitovao, što ukazuje na ozbiljan i trajan propust u izvršavanju ugovornih obaveza, a ne na manji ili prolazni nedostatak.

Predmet raskinutog Ugovora broj: 29-EDSA-25-1 i predmet postupka javne nabavke za koji se vrši evaluacija ponude pripadaju sličnim i srodnim uslugama iz oblasti projektovanja i izrade tehničke dokumentacije za elektroenergetsku infrastrukturu, uključujući pribavljanje saglasnosti od strane nadležnih organa kao ključnog dijela izvršavanja ugovornih obaveza u oba slučaja. Prihvatanje ponude predmetnog ponuđača stoga predstavlja neprihvatljiv rizik za blagovremenu i uredno realizaciju novog ugovora.

Cijeneći sve navedene činjenice i utvrđeno činjenično stanje, te imajući u vidu da su kumulativno ispunjeni svi zakonski uvjeti predviđeni članom 45. stavom (5) tačkom c) Zakona o javnim nabavkama, Ugovorni organ isključuje ponuđača INSTITUT ZA GRAĐEVINARSTVO "IG" d.o.o. Banja Luka iz učešća u postupcima javne nabavke na period od 12 (dvanaest) mjeseci računajući od dana donošenja ove Odluke.

Shodno naprijed navedenom, Komisija za nabavku ugovornog organa je, na osnovu ukupne ocjene ponude, predložila izbor **Grupe ponuđača: "Hydro Control" d.o.o. Sarajevo - "HYDRA" d.o.o. Sarajevo** za najpovoljnijeg ponuđača, sa ukupnom cijenom ponude u iznosu od **9.000,00 KM (bez PDV-a)**.

Na osnovu iznesenog, odlučeno je kao u dispozitivu ove Odluke.

#### **Pouka o pravnom lijeku:**

Protiv ove Odluke može se podnijeti žalba Uredu za razmatranje žalbi putem JP Elektroprivreda BiH d.d. – Sarajevo, Podružnica "Elektrodistribucija" Sarajevo u roku od 5 (pet) dana od dana prijema ove Odluke.



#### **Dostaviti:**

- Ponuđačima;
- 57-2;
- a/a

